

COVID-19 gabiingwebchigan nikaazang: Nowonj dnowaa gibiingwebchiganan miinwaa meshkodanaamiwinan

OJIBWE DE L'EST / OJIBWE EASTERN




Maanda giikimigewin onji aawan bemaadizijig miinwaa gaawii newen nankiiwin mina bimaadiziwin onji, e'digosin mina yaawin gnowenjige wiigwaam yaawong.

Owi niibide-biigan aawechigaadenon nowonj dnowaa gibiingwebchiganan miinwaa meshkodanaamiwinan. Gnowaabmdan awii naadmaagiyin awii giizhendaman wegwen dnowaa gibiingwebchigan maage mashkodanaamiwin awaa wenaamdaman. Aanin nikaaziwinan woshme wenpanad awii makigaadeg maage giishpinajigaadeg woshme aanin bkaan minwaa nowonj adaa nangidenon.

Meshkodanaamiwinan, mashkiki gibiingwebchiganan miinwaa gaawii mashkiki gibiingwebchiganan adaa nikaazam zhiwe endinakiwin. Apii giizhendaman wegwen dnowaa gibiingwebchigan awaa biiskaman, wenaamdaman owi memaanji nishing miinwaa memaanji weweni menkaman gibiingwebchigan maage meshkodanaamowin etemigag awii nikaaziwin.

Gagwech agwa, aanowi gwa gaawii mashkiki gibiingwebchiganan adaa naadmaagemigad nigaasijigaadeg sweshkaamigag owi COVID-19, mashkiki gibiingwebchiganan miinwaa meshkodanaamiwinan woshme miigwemigadon e'nishing gnowenjigewin. Manjigwa iidik dnowaa gibiingwebchigan e'wenaamdaman, weweni minakigaadeg aawan memaanji mina nakiimigag.

Gegwa nikaazike gibiingwebchiganan maage meshkodanaamiwinan temigag zaagidanaamang biimskobijigan. Maanda ado bagidinaan miniwesiing neseng biiwisaagin awii gajibidemigag **Gaawii** naadmaagemigasinon awii nigaasijigaadeg owi sweshkaamigag COVID-19.

Nowonj dnowaa gibiingwebchiganan miinwaa meshkodanaamiwinan	Giizhising	Zhichigaadeg	Enkamang	Ogimaawin naanaagidowendamowinan miinwaa naagijigewinan
<p>Meshkodanaamiwinan</p> 	<p>Dawegamgoong daweng.</p> <p>Temigadon nowonj enigokwaad, e'digosin woshme e-gaaching age nikaaziwaapa binoojiinig.</p>	<p>Zhichigaadeg enkaazang gnimaa nowonj adaa aawinon dash wiigwa aabdek awii nakweshkaanaa-aa giizhaa etegin zhaabwaasijige naagijigewinan newen meshkodanaamiwinan.</p> <p>Owi mazinigwaadeg bagidinigaademigad woshme awii minakigaadeg owi dash mashkiki gibiingwebchigan.</p> <p>Gaawii giizhisisinon temigag zhaabwaasewaag waasechiganan.</p> <p>Gagwech gwa nigoding nikaazang, dash wiigwa adaa anji nikaazam apiinish naagwog wiininaagwog, nisaabeweg maage biigshkaamigag.</p>	<p>Mazinigwaadeg awii baapizising zhiwe gdengwaaning.</p> <p>Aanin newe meshkodanaamiwinan, owi ezhi minakaman adaa giikinigaade owi naawisijigaadeg dikobijiganan, zhiibiigshkaaganan maage toganing baamskosing miinwaa zhiibiishkaamigag ojaanjing etemigag.</p> <p>Owi meshkodanaamiwin baaskigaadeg odenaang gaawii dowendaagosino minakamang ndakenjigewin.</p>	<p>Gagwek wendan gdo meshkodanaamiwin agii minwaabmjigaadeg owi Mina Bimaadiziwin Gaanada.</p> <p>NIOSH N95 meshkodanaamiwinan zhibiigaadeg minwaabmjigaadeg gindaasowin zhiwe owi nikaazowin, gikiniwaajibiigan TC-84A-####.</p> <p>95PFE nikaaziwinan maage CSA debwechigaadeg CA-N95 miinwaa CA-N99 dnowaa meshkodanaamiwinan zhibiigaadegin owi CSA Z94.4.1 naagijigewin.</p> <p>KN95 meshkodanaamiwinan nekweshkamowaad naagijigewin GB 2626-2019.</p> <p>KF94 meshkodanaamiwinan nekweshkamowaad naagijigewin KMOEL-2017-64.</p> <p>FFP2 meshkodanaamiwinan nekweshkamowaad naagijigewin EN 149-2001.</p>
<p>Mashkiki gibiinwebchigan naandowechigeng maage bigojiinigeng gibiinwebchigan</p> 	<p>Dawegamgoong daweng.</p> <p>Temigadon netaawigid miinwaa binoojiin enigokwaag.</p>	<p>Zhichigaadeg enkaazang gnimaa nowonj adaa aawinon dash wiigwa aabdek awii nakweshkaanaa-aa giizhaa etegin zhaabwaasijige naagijigewinan.</p> <p>Gagwech gwa nigoding enkaazang miinwaa webinigaadeg, dash wiigwa gnimaa adaa anji nikaazam apiinish naagwog wiininaagwog, nisaabeweg maage biigshkaamigag.</p>	<p>Enkigaadeg nowonj aawan dibegenjigaadeg enigokwiingewin miinwaa ezhiingewin.</p> <p>Owi enkigaadeg adaa naawisijigaade nikaazang nowong dnowaa zhichigewinan, dibishko gona naawisijigaadeg dikobijiganan, maage toganing baamskosing miinwaa zhiibiigshkaamigag ojaanjing etemigag</p>	<p>Aanin newen webinigaadegin gaawii mashkiki gibiingwebchiganan gnimaa adaa zhinaagidon mashkiki gibiingwebchiganan dash wiigwa gaawii nakweshkiziinaa-aan naaknigewin naagijigewinan.</p> <p>Ndowaabmdan owi mashkiki gibiingwebchigan etemigag ASTM F2100 maage EN 14683 makakoons agogzigan.</p> <p>Maanda adamoomigad maanda gibiingwebchigan agii ndagikenjigaade miinwaa nakweshkaan miziwekamig naagijigewinan owi:</p> <ul style="list-style-type: none"> • biiwisaagin miinwaa manijooshensag gaa-aakoziishkaag zhiibaabijigaadeg • nesemigag • nebiiwong aagwiitamomigag • omaadikoneg nikaaziwinan <p>Gaawii gego tesnoon nesidwaabmjigaadeg naagijigewinan maampii Gaanada newen zhaabwaasewog mashkiki gibiingwebchiganan.</p>
<p>Gaawii mashkiki gibiingwebchigan owi gikinwaabijigan owi zhaabwaasijigan aagowitosing</p> 	<p>Endaang zhichigan maage daawegamigong temigag.</p> <p>Temigadon nowonj enigokwaag miinwaa owi ozhiiginan.</p>	<p>Aabdeg gwa gnigen niish aagwiitosing meshkowi kaadenigaadeg nesemigan ozhiigin. Miinwaa age adaa temigad naanaagwiwiing etemigag zhaabwaasijigan aagowitosijigan owi zhaabwaasijigan dnowaa ozhiigin, dibishko gona gaawii e'kaadenigaadesinag polypropylene, awii giikinigaadeg biimskonimag.</p> <p>Gnimaa adaa temigad biindaagan awii biinind owa e'bimigaazad zhiibwaasijigan.</p> <p>Gnimaa adaa giizhisisinon temigag zhaabwaasewaag waasechiganan.</p>	<p>Enkamang nowonj aawan apenimandaagwog ezhi mazinaag miinwaa ezhiinaagwog owi gibiingwebchigan.</p> <p>Enkigaadeg adaa naawichigaade nikaazang nowonj gego nikiyaa, dibishko gona naawisijigaadeg dikobijiganan, zhiibiigshkaaganan maage toganing baamskosing miinwaa zhiibiigshkaamigag ojaanjing etemigag (agiishpin digosing).</p>	<p>Gaawii gego tesnon naagijigewinan maage naaknigewinan newen gaawii mashkiki gibiingwebchiganan maampii Gaanada. Aanin miziwekamig naagijigewinan temigadon (AFNOR odi Gaaming Gichigamiing, ASTM odi Gichimookimaankiing).</p> <p>Gaawii mashkiki gibiinwebchiganan gaawii nenjigaadesino mashkiki nakaaziwinan zhiwe owi Mashkiki Nakaaziwinan Naaknigewinan.</p> <p>Owi epiichi nakiimigag newen gaawii mashkiki gibiingwebchiganan awii nigaasijigaadeg owi sweshkaamigag COVID-19 nowonj aawan, miinwaa dibendaagwod owi:</p> <ul style="list-style-type: none"> • enkaazang awii zhichigaadeg • zhichigaadeg • enkamang • gagwek ezhi nikaazang